

Arolygiaeth Gofal Iechyd Cymru

Swyddi gwag

Adolygydd Cymheiriaid Meddygon Teulu Manylion y swydd wag :

Sefydliad	Arolygiaeth Gofal Iechyd Cymru
Rôl	Adolygydd Cymheiriaid Nyrsys Practis
Cyflog	£275 y dydd, a threuliau teithio a chynhaliaeth
Hyd	Tair blynedd gyda'r posibilrwydd o estyniad

Diben y swydd

Mae Arolygiaeth Gofal Iechyd Cymru (AGIC) yn rheoleiddio darparwyr Gofal Iechyd Annibynnol ac yn arolygu Gwasanaethau'r GIG yng Nghymru yn erbyn amrywiaeth o safonau, polisïau, canllawiau a rheoliadau er mwyn nodi meysydd y mae angen eu gwella.

Fel Adolygydd Cymheiriaid Nyrsys Practis, byddwch yn cydweithio ag AGIC i gynnal arolygiadau mewn practisau meddygon teulu a gwasanaethau y tu allan i oriau meddygon teulu ledled Cymru.

Bydd AGIC yn defnyddio eich gwybodaeth a'ch sgiliau i sicrhau bod ein gwaith yn seiliedig ar ymarfer a phrofiad cyfredol. Bydd eich sgiliau a'ch cymorth yn ein helpu i nodi arferion da ac i atgyfnerthu a rhannu unrhyw feysydd o bryder fel y gall meddygon teulu a byrddau iechyd roi tawelwch meddwl i'r cyhoedd a gwella gwasanaethau i gleifion.

Tasgau allweddol

- Gweithio fel rhan o dîm Arolygu, gyda chymorth a chyfarwyddyd gan staff AGIC.
- Teithio ledled Cymru i arolygu'r amgylchedd ffisegol, polisiâu/gweithdrefnau, cyfarpar, ardystiadau, cofnodion cleifion a chofnodion eraill mewn gwasanaethau gofal iechyd
- Cyfweld â staff a chleifion.
- Rheoli amser yn effeithiol, gan gynnwys paratoi ar gyfer yr ymweliad arolygu drwy ddarllen adroddiadau gwybodaeth cyn yr arolygiad ac adroddiadau arolygu blaenorol.
- Ymateb i faterion sy'n peri pryder, fel y bo'n briodol, a thrwy drafod ag Arolygydd Gofal Iechyd AGIC.
- Gwneud arsylwadau ac argymhellion yn seiliedig ar eich barn glinigol a phroffesiynol eich hun, gan ystyried rhesymeg glinigol, safbwyntiau a buddiannau cleifion, ac unrhyw Reoliadau a Safonau perthnasol sydd ar waith.
- Gwneud cofnodion cywir a chynhwysfawr o'ch canfyddiadau yn ystod yr ymweliad, gan ddefnyddio'r adnoddau arolygu, a chyfrannu at y cyfarfod adborth ar ddiwedd yr Arolygiad gan ddefnyddio'r dystiolaeth a gasglwyd.
- Adolygu a gwneud sylwadau yn ôl yr angen a chyn cyhoeddi adroddiadau arolygu er mwyn sicrhau eu bod yn gywir.
- Cynnal ymweliadau arolygu dilynol byrrach â phwyslais penodol (yn ôl yr angen).
- Cymryd rhan yn y broses o greu a diwygio dogfennaeth methodoleg arolygu (yn ôl y gofyn)
- Dangos parch tuag at amrywiaeth a dinasyddiaeth y staff, y cleifion ac eraill, a dealltwriaeth ohonynt.
- Cwblhau hyfforddiant sefydlu a hyfforddiant arall y cred AGIC eu bod yn angenrheidiol.
- Gweithredu fel llysgennad ar ran AGIC drwy hyrwyddo gwaith yr Arolygiaeth a rhannu arferion gorau.

Meini Prawf sy'n Benodol i'r Swydd

Meini prawf hanfodol

- Cofrestriad cyfredol perthnasol â'r Cyngor Nyrsio a Bydwreigiaeth.
- Yn ymgymryd ag ymarfer clinigol ar hyn o bryd
- Dylid darparu tystiolaeth gyfredol ar ôl cwblhau a chydymffurfio â phob cwrs gorfodol sy'n rhan o'ch cofrestriad â'r Cyngor Nyrsio a Bydwreigiaeth, gan gynnwys, ymhlith eraill, Atal a Rheoli Heintiau, Llywodraethu Gwybodaeth, Diogelu (ar y lefel ofynnol ar gyfer eich swydd bresennol), Codi a Chario, Trefniadau Diogelu wrth Amddifadu o Ryddid.
- Tystiolaeth o ddatblygiad proffesiynol parhaus.
- Profiad a dealltwriaeth dda o lywodraethu clinigol gan gynnwys gweithredu a monitro safonau clinigol a phroffesiynol yn effeithiol.
- Profiad o brosesau rheoli risg, gan gynnwys rhoi gwybod am ddigwyddiadau ac ymdrin â chwynion yn effeithiol.
- Sgiliau ysgrifennu adroddiadau rhagorol.
- Ymrwymiad amlwg i gydraddoldeb ac amrywiaeth.
- Sgiliau rhyngbersonol, cyfathrebu a gwrando rhagorol.
- Ymagwedd broffesiynol iawn sy'n canolbwyntio ar y claf, ynghyd â gwerthoedd cryf o ran gofal diogel, tosturiol sy'n canolbwyntio ar yr unigolyn.
- Sgiliau arsylwi, asesu a dadansoddi rhagorol
- Y gallu i weithio'n effeithiol ar eich pen eich hun ac fel rhan o dîm
- Y gallu i ddefnyddio amrywiaeth o systemau a dyfeisiau TG yn effeithiol ac yn annibynnol.

Meini prawf dymunol

- Tystiolaeth o weithio gyda phobl agored i niwed.
- Profiad blaenorol o brosesau arolygu, archwilio a/neu sicrhau ansawdd.
- Gwybodaeth am amcanion a blaenoriaethau AGIC a dealltwriaeth ohonynt.

Cyfleoedd datblygu

Bydd Adolygwyr Cymheiriaid yn meithrin profiad o arolygu ac adolygu a byddant yn gwella eu sgiliau dadansoddi, drafftio, gweithio mewn tîm a chyfathrebu.

Mae gweithio gydag AGIC yn rhoi cyfle i Adolygwyr Cymheiriaid drosglwyddo arferion da i'w meysydd gwaith eu hunain.

Y Gymraeg

Mae AGIC yn cydnabod pwysigrwydd datblygu a thyfu ei gweithlu dwyieithog ac mae'n croesawu ceisiadau gan ymgeiswyr sy'n dangos eu gallu i weithio yn y Gymraeg a'r Saesneg.

Gwiriadau'r Gwasanaeth Datgelu a Gwahardd

Bydd Adolygwyr Cymheiriaid yn destun gwiriad manylach gan y Gwasanaeth Datgelu a Gwahardd (DBS).

Gwybodaeth Ychwanegol

Patrwm Gwaith

Rhoddir cytundeb fframwaith i Adolygwyr Cymheiriaid er mwyn darparu gwasanaethau'n hyblyg, gan gynnwys gweithio y tu allan i oriau. O dan y trefniant hwn, nid oes unrhyw rwymedigaeth ar AGIC i gynnig aseiniadau ac nid oes unrhyw rwymedigaeth ar Adolygwyr Cymheiriaid i dderbyn aseiniadau. Bydd AGIC yn cynnig aseiniadau pan fydd angen gwasanaethau.

I gael rhagor o wybodaeth, cysylltwch â Thîm Cymorth Arolygiadau AGIC yn AGIC.arolygu@llyw.cymru neu ffoniwch 0300 062 8163.

Sut i wneud cais

Cwblhewch y ffurflen gais sydd ar y wefan a'i chyflwyno drwy e-bost i AGIC.arolygu@llyw.cymru.

Os oes angen y ffurflen gais arnoch mewn fformat neu iaith wahanol, cysylltwch â ni:

✉: AGIC.arolygu@llyw.cymru

☎: 0300 062 8163